



partii naleraq

UKA 2016/059-01

17-11-2016

**Meeqqat atuarfianni angajullit atuartinneqarnerini MMS imaluunniit nittartakkakut naapittarfikkut tamataqanngitsunik assinik avitseqatigiittarnermut tunngasunik paasissutissiisarneq eqqunneqarnissaannut Naalakkersuisut peqqunneqarnissaannut aalajangiiffigisassatut siunnersuut.**

(Demokraatit Inatsisartunut ilaasortaatitai)

Inatsisartuni demokraatit ilaasortaatitaasa siunnersuutaat Partii Naleraq sinnerlugu imannak oqaaseqarfigissuarput.

Qularnanngilaq angajoqqaat amerlasuut meeqqatsinnik kinguaasiuutit pillugit oqaloqateqarnissarput paquminartutut isigisarparput, kisianni angajoqqaat pisussaaffitta ilagilluinnarpaat, meeqqavut sutigut tamatigut pitsaasumik perorsarnissaat. Tassunga aamma ilanngullugu atoqatigiittarneq pillugu paasissutissiisarnissaq.

Tassami meeqqat inuusuttullu kinguaassiuutitigut atoqatigiittarnermillu atonerluinnginnissaat paasissutissiisutigissallugu pingaartorujussuuvoq aamma meeqqat inuusuttullu ileqqorissaarnissaq, minnerunngitsumillu inuup allap ataqqinassusianik kinguaassiuutitigullu innarlerneqannginnissaanik paasissutissittuarnissaat pisariaqarluinnarmat.

Taamaattumik qujanarpoq meeqqat atuarfianni maannakut inuttut ineriartornermik ilinniartitsinerneq ilanngullugu atoqatigiinnermut tunngasut il.il. ilinniartitsissutigineqartarmat.

Amma inatsisartut ukiakkut 2017-imi ataatsimiinnissaannut atuarfik pillugu inatsimmik nutartikkamik saqqummiussinissamik pilersaaruteqarmata iluaraarput, tassunga atatillugu aamma maannakut oqallisigisatta ilanngunneqarnissaa Partii Naleqqamiit taperserparput.

Taama naatsumik oqaaseqarluta suliap aappassanneerneqannginnerani ilinniartitaanermut ataatsimiititaliami suliarineqarnissaa inassutingaarput.

Anthon Frederiksen